

<p>Қазақстан Республикасының Денсаулық сактау министрлігі санитариялық-эпидемиологиялық бақылау комитеті «Шығыс Қазақстан облысының санитариялық-эпидемиологиялық бақылау департаменті» республикалық мемлекеттік мекемесі</p>	<p>Нысаның БҚСЖ бойынша коды КҰЖЖ бойынша ұйым коды</p>
	<p>Қазақстан Республикасы Ұлттық экономика министрлігі 2015 жылғы «30» мамырдағы № 415 бүйрүғымен бекітілген № 015/у нысанды медициналық құжаттама</p>

Шығыс Қазақстан облысының Бас мемлекеттік санитариялық дәрігері міндетін атқарушының 2021 жылғы 19 ақпандағы №4 қаулысына толықтырулар мен өзгерістер енгізу туралы
№ 4-2
ҚАУЛЫ

2021 жылғы 01 наурыз

Өскемен қаласы

Мен, Шығыс Қазақстан облысының Бас мемлекеттік санитариялық дәрігерінің м.а. Х.Ж. Илюбаев, **мына құжаттарды:**

Қазақстан Республикасының аумағында коронавирустық инфекцияның пайда болуы мен таралуына жол бермеу жөніндегі ведомствоаралық комиссияның 2021 жылғы 24 ақпандағы шешімін;

Қазақстан Республикасы Бас мемлекеттік санитариялық дәрігерінің «Қазақстан Республикасының халқы арасында коронавирустық инфекция ауруының алдын алу жөніндегі шараларды одан әрі күшету туралы» 2020 жылғы 25 желтоқсандағы № 67; «Карантиндік шектеу шаралары және оларды кезең-кезеңмен жеңілдету туралы» 2020 жылғы 25 желтоқсандағы № 68; «Қазақстан Республикасының Бас мемлекеттік санитариялық дәрігерінің қаулысына өзгеріс пен толықтыру енгізу туралы» 2021 жылғы 04 ақпандағы № 5; «Қазақстан Республикасының Бас мемлекеттік санитариялық дәрігерінің қаулысына өзгеріс пен толықтыру енгізу туралы» 2021 жылғы 27 ақпандағы №9 қаулыларын;

«Шектеу іс-шараларын, оның ішінде карантинді жүзеге асыру қағидаларын және пайда болу және таралу қаупі төнген кездे шектеу іс-шаралары, оның ішінде карантин енгізілетін инфекциялық аурулардың тізбесін бекіту туралы» Қазақстан Республикасы Денсаулық сактау министрлігі 2020 жылғы 21 желтоқсандағы № КР ДСМ-293/2020 бүйрүғын;

COVID-19 коронавирустық инфекциясы бойынша Шығыс Қазақстан облысындағы, Қазақстан Республикасының басқа облыстарындағы және іргелес мемлекеттердегі санитариялық-эпидемиологиялық ахуал туралы **жедел мәліметтерді қарап,**

Есептік өлшемшарттар негізінде COVID-19 науқастарын емдеуге арналған инфекциялық стационарлардағы төсек қорының (ТҚ) қамтылу пайызы— 4,4 %, облыс бойынша инфекцияның репродуктивтік мәні R=0,990 құрағанын **анықтадым.**

«Халық денсаулығы және денсаулық сактау жүйесі туралы» Қазақстан Республикасы Кодексінің 38-бабының 1-тармағының 4) тармақшасы, 2-тармағының 3) тармақшасы, 102, 104 – баптары негізінде, **ҚАУЛЫ ЕТЕМІН:**

1. «Шығыс Қазақстан облысының халқы арасында COVID-19 коронавирустық инфекциясымен сырқаттануыштық алдын алу жөніндегі одан арғы шаралар туралы» Шығыс Қазақстан облысының Бас мемлекеттік санитариялық дәрігері міндеттін атқарушының 2021 жылғы 19 ақпандағы № 4 қаулысына келесідей толықтырулар мен өзгерістер енгізілсін:

1) 2- тармақтың 3) тармақшасы келесі редакцияда жазылсын:

«3) мыналардың:

- қоғамдық тамақтану объектілерінде, ойын-сауық объектілерінде, кесіпорындарда, мекемелерде және кеңселерде ұйымдастырылған ұжымдардағы бұқаралық ойын-сауық іс-шаралардың (спортық іс-шараларды қоспағанда), бейбіт жиналыстардың, көрмелердің, форумдардың, конференциялардың, іс-шаралардың (корпоративтердің) өткізуіне;

- бұқаралық отбасылық, салтанатты, еске алу іс-шараларының (банкеттер, үйлену тойлары, мерейтойлар), оның ішінде үйде өткізуіне;

- адамдар көп жиналатын жерлерде (алаңдарда, скверлерде, саябақтарда, серуендеу және жағалау аймақтарында), оның ішінде жабық үй-жайларда (концерт залдары, клубтар) бұқаралық театрландырылған қойылымдардың, аниматорлар мен қырышқартар қызметтерінің, шоу-бағдарламалардың, концерттердің және басқа да бұқаралық іс-шаралардың өткізуіне **жол бермеуге бақылауды қамтасыз етсін»;**

2) 4-тармақ 8), 9) тармақшалармен толықтырылып, 1), 2) және 5), тармақшалары келесі редакцияда жазылсын:

«4. Мыналарға:

1) қоғамдық тамақтану объектілерінде, ойын-сауық объектілерінде, кесіпорындарда, мекемелерде және кеңселерде ұйымдастырылған ұжымдардағы бұқаралық ойын-сауық іс-шараларды (спортық іс-шараларды қоспағанда), бейбіт жиналыстарды, көрмелерді, форумдарды, конференцияларды, іс-шараларды (корпоративтерді) өткізуге;

2) бұқаралық отбасылық, салтанатты, еске алу іс-шараларын (банкеттер, үйлену тойлары, мерейтойлар) оның ішінде үйде өткізуге;

5) ойын-сауық мекемелерінің жұмыс істеуіне (караоке, тұнгі және ойын клубтары /орындары (компьютерлік клубтар, PlayStation, боулингтер, букмекерлік кеңселер және басқа орындар);

8) балалар сауықтыру лагерьлерінің қызметіне;

9) кезекші топтарды қоспағанда, балалар мектепке дейінгі мекемелерінің қызметіне тыйым салу қамтасыз етілсін»;

3) 4- тармақтан 7) тармақша алынып тасталсын;

4) 5-тармақ 5-1 және 5-2 тармақшалармен толықтырылып, келесі редакцияда жазылсын:

«5-1. Күшайтілген санитариялық-дезинфекциялық режимді, термометрияны, маскалық режимді және әлеуметтік қашықтықты сақтай отырып, толтырылуы 30% -ға дейін, бірақ 50 адамнан аспаған кезде жерлеу рәсімдерін (еске алу) өткізуге рұқсат етілсін»;

5-2. Жеке және 15 адамнан аспайтын ұйымдастын топтар үшін маскалық режимді және кемінде 2 метр қашықтықты сақтай отырып, ерекше қорғалатын табиғи аумақтарға (мемлекеттік ұлттық табиғи парктерге, қорықтарға, резерваттар мен басқаларға) баруға рұқсат етілсін»;

5) 7-тармақтың 7.3 тармақшасының 1) тармақшасы келесі редакцияда жазылсын:

«7.3 апта қундері бойынша шектеусіз қолданыстағы жұмыс режимі келесі объектілерге белгіленсін:

1) меншік нысанына қарамастан **жабық спорт объектілері** (спорт кешендері, спорт мектептері, спорт клубтары, клуб командаларының жаттығу залдары), жабық құрылыштардағы мұз айдындары:

- көрермендерсіз жеке (5 адамға дейін) және топтық (30 адамға дейін) жаттығуларды өткізу үшін;

- бір отбасы мүшелерін қоспағанда, тамақтанусыз, көрермендерді бір қатардың ұзындығы бойынша 2 отыратын орыннан кейін шахмат тәртібімен отырғызған жағдайда, толтырылуы 20% - дан аспаған кезде спортық іс-шараларды көрермендермен өткізуге рұқсат етілсін»;

6) 7-тармақтың 7.3 тармақшасының 9) тармақшасы келесі редакцияда жазылсын:

«9) азық-түлік және әмбебап ассортименттегі азық-түлік емес тауарларды, оның ішінде өзіне-өзі қызмет көрсету нысаны бойынша сауда объектілері (супермаркеттер, гипермаркеттер, сауда үйлері, сауда желілері, СОО):

- толтырылуы 30% - дан аспағанда, бір келушіге ауданы кемінде 4 ш.м. болған жағдайда;

- балалардың ойын-сауық, ойын аландарының, аттракциондарының жұмыс істеуіне толтырылуы 30% - ға дейін, бірақ 50 адамнан аспаған кезде рұқсат етіледі;

- СОО-дағы қоғамдық тамақтану объектілеріне тек алғы шығуға және жеткізуге ғана жұмыс істеуіне рұқсат етіледі;

Азық-түлік емес тауарларды сататын сауда объектілері (супермаркеттер, гипермаркеттер, сауда үйлері, сауда желілері, СОО) жексенбі күні сағат 18.00-ге дейін жұмыс істейді.

Ауданы 1000 ш.м. асатын азық-түлік емес тауарларды сататын сауда объектілерінде (супермаркеттер, гипермаркеттер, сауда үйлері, сауда желілері, СОО) келушілердің әлеуметтік қашықтық пен маскалық режимді сақтауын бақылау үшін объектілер қызметкерлері қатарынан санитариялық патрульдер құру керек»;

7) 7-тармақтың 7.3 тармақшасы 11), 12) және 13) тармақшаларымен толықтырылып, келесі редакцияда жазылсын:

«11) цирктер:

- бір отбасы мүшелерін қоспағанда, көрермендерді бір қатардың ұзындығы бойынша 2 отыратын орыннан кейін шахмат тәртібімен отырғызып, толтырылуы 30% - ға дейін қамтамасыз еткен кезде;

12) билірдтар:

- толтырылуын 30%-ға дейін қамтамасыз еткен кезде;

13) балалар ойын-сауық орталықтары (ойын аландары, жабық үй-жайлардағы аттракциондар):

- толтырылуын 30% - ға дейін, бірақ адамдар санын 50-ге дейінгі мөлшерде қамтамасыз еткен кезде;

8) 8-тармақтың 5) тармақшасы келесі редакцияда жазылсын:

«5) діни бірлестіктер объектілері (мешіттер, шіркеулер, соборлар, синагогалар және т. б.):

- бір отбасы мүшелерін қоспағанда, мешіттерде намазды, оның ішінде жұма намазын залдың толтырылуы 30%-ға дейін, 1 (бір) адамға кемінде 4 ш.м. есебінен, 2 отыратын орыннан кейін шахмат тәртібі бойынша отырғызу (орналастыру) кезінде өткізуге рұқсат етіледі;

- толтырылуы 30%-ға дейін, бірақ 100 адамнан аспаған кезде мешіттерде ұжымдық құдайға құлшылық етуге рұқсат етіледі;

- Қазақстан Республикасының «Бас мемлекеттік санитариялық дәрігерінің қауулыларымен белгіленген санитариялық ережелерді, алгоритмдерді (талаптарды), қүшеттілген санитариялық-дезинфекциялық режимді, термометрияны маскалық режимді және әлеуметтік қашықтықты сақтаған кезде»;

9) 9-тармақтың 4), 6) және 8) тармақшалары келесі редакцияда жазылсын:

4) оқытудың келесі форматы:

- дәстүрлі форматта қалалық және ауылдық мектептерде 300 оқушыға дейінгі контингентпен, сыныптардағы балалар саны 15 адамға дейін оқыту;

- 2021 жылғы 01 наурыздан бастап, жалпы білім беретін мектептерде кезекші сыныптарда 1-ден 5-сыныпқа дейін қоса алғанда, халықаралық мектептерде 1-ден 7-сыныпқа дейін қоса алғанда аралас оқыту;

- аралас оқыту аптаңың 6 күні ішінде оку бітіретін сыныптар (9, 11 (12) сыныптар) үшін: пәндердің 70%-ын штаттық режимде, 30%-ын қашықтықтан оқыту (сыныпта 15 адамнан артық емес, әлеуметтік қашықтықты сақтау, 1 сын – 1 кабинет қағидасы бойынша оқыту, бір уақытта мектепте жобалық қуаттың 30%-ынан аспайтын адамның болуы, санитариялық-дезинфекциялық режимді қүшетту, маскалық режимді сақтау);

- білім беру мекемесі әкімшілігінің шешімі бойынша сабактан тыс уақытта 15 адамнан аспайтын топтарда оқушыларды жеке оқыту;

- колледждердің, жоғары оку орындарының I курс студенттерін штаттық оқыту;

6) Ұлттық құрама, клубтық командалар үшін (адамдар саны 30-ға дейін, байланыссыз термометрия, спорттық базаларда тұру) спорттық жаттығулар өткізу;

8) облыстық командаларды дайындау үшін бір мезгілде 30 адамнан аспайтын мөлшерде оқу-жаттығу жиындарын өткізу»;

10) 10-тармақтың 2) тармақшасы келесі редакцияда жазылсын:

«10. Шығыс Қазақстан облысының полиция департаменті:

2) участекілік қызметтің жұмысын отбасылық, ұжымдық және өзге де бүқаралық іс-шараларды (үйлену тойлары, мерейтойлар және т. б.) анықтауға бағыттай отырып, материалдарды ресімдеп, кейіннен халықтың санитариялық-эпидемиологиялық саламаттылығы саласындағы уәкілетті органдарға ұсыну жұмыстарын жалғастырысын және қамтамасыз етсін».

11) 17-тармақтың 1) тармақшасы келесі редакцияда жазылсын:

«17. Жұмыс берушілер (мемлекеттік органдардың, ұйымдардың, кәсіпорындардың, квазимемлекеттік секторлардың, өзге де ұйымдардың субъектілері, кәсіпкерлік субъектілерінің, кенселердің, тіршілікті қамтамасыз

ету, қауіпсіздік, құқық тәртібі объектілерін, технологиялық процестің үздіксіз циклі бар кәсіпорындарды қоспағанда):

1) қызметкерлердің қашықтықтан жұмыс істеу нысанын келесі форматта сақтасын: 30% – қашықтықтан жұмыс істеу режимі; 70% – күндізгі жұмыс істеу режимі»;

2. Қаулы меншік нысанына қарамастан барлық жеке және занды тұлғалардың орындауы үшін міндетті.

3. Осы қаулы барлық мүдделі ведомстволардың назарына жеткізілсін, халық ресми веб-ресурстар, БАҚ, әлеуметтік желілер және өзге де ақпараттық ресурстар арқылы хабардар етілсін.

4. Осы қаулының орындалуын бақылауды өзіме қалдырамын.

5. Осы қаулы **2021 жылғы 01 наурыздан бастап күшіне енеді** және оның ресми күші жойылғанға дейін қолданылады.

М. О.

**Шығыс Қазақстан облысының
Бас мемлекеттік санитариялық
дәрігерінің м.а.**



Х. Илюбаев

Қаулыны алдым _____

(лауазымы, тегі, аты, экесінің аты, алған күні, қолы)